

---

**Saksnr:** 2023/99-6  
**Saksbehandlar:** Charlotte Espeland

---

---

Avdelingsdirektør etter fullmakt

## Vedtak av DKS-programmet til vidaregåande skule skuleåret 2023/24

Avdelingsdirektør gjer følgjande vedtak:

1. Følgjande produksjonar (Gruppe 1) vert tatt inn i Vestland fylkeskommune sitt DKS-program til vidaregåande skule for skuleåret 2023/24:

Filosofi med elever. Ytringsfrihet	Nasjonalmuseet for kunst, arkitektur og design	Visuell kunst
Skeive ikoner	Håkon Lillegraven	Visuell kunst
Gato. Historier om å (ikke) komme hjem.	Piero Issa	Scenekunst
Historien om Maria i Koranen	Mehda Zolfaqari	Scenekunst
Never AFK	Marie Hafnor	Scenekunst
Romeo og Julie	Den Nationale Scene	Scenekunst
SOLA - Calm the Monkey Mind	Oda Nyfløtt	Scenekunst
Tilstander av Unntak (15:20-16:20) - Timen som formet Norge av Tore Vagn Lid	Transiteatret-Bergen	Scenekunst
Flaggermusen for vgs (våren 2024)	Bergen Nasjonale Opera	Scenekunst
Familiebildet	Yvonne Thomassen	Film
Filmhjelp Yrkesfag	Andreas Altermark	Film
Filmproduksjon - fra idé til ferdig film	Jade Hærem Aksnes	Film
Fuckings Adoptert	Nora Nivedita Tvedt	Film
Krigere	Ingvil Giske	Film
Rekonstruksjon Utøya	Polarfox AS	Film
Fra sant til diktet (fra journalistikk til litteratur)	Finn Bjørn Tønder	Litteratur
Rasismens poetikk	Guro Sibeko	Litteratur
Språklige forvandlinger	Jon Rognlien	Litteratur
Ære Være Mine Døtre	Lene Wold	Litteratur
9 grader nord	9 grader nord	Musikk
Høre hjemme - hvor er røttene mine?	Ragnhild Tveitan	Musikk
Johanna Juhola Trio	Johanna Juhola Trio	Musikk

Marthe Wang (trio)	Marthe Wang (trio)	Musikk
--------------------	--------------------	--------

2. Produksjonane i Gruppe 2 vert ikkje tatt inn i programmet til vidaregåande skule. Ettersom dei er godkjende av faggruppene skal administrasjonen hente produksjonar frå denne gruppa ved behov for erstatning eller utviding av programmet.

### Samandrag

Frist for å sende inn forslag til Vestland fylkeskommune sitt DKS-program for skuleåret 2023/24 var 1. oktober 2022. Totalt 1174 produksjonar vart melde inn innan fristen. Av desse er 599 tilrådde til programmet til grunnskulen og/eller vidaregåande skule. Ei intern arbeidsgruppe for DKS i vgs. er førelagt framlegg til program til vidaregåande skule og har gitt sin tilslutning til programmet. Etter gjennomgang i faggrupper og administrativ handsaming av programmet er tilrådde produksjonar delt i to grupper: gruppe 1 – produksjonar som er innstilte til DKS-programmet til vidaregåande skule for skuleåret 2023/24, gruppe 2 – produksjonar som er tilrådde til grunnskulen og/eller vidaregåande skule men ikkje innstilte til programmet til vidaregåande skule. Produksjonane i gruppe 2 utgjør eit tilfang produksjonar til erstatning eller utviding av programmet ved behov.

**Per Morten Ekerhovd**  
Avdelingsdirektør  
Kultur og folkehelse (KFO)

**Charlotte Espeland**  
seniorrådgjevar  
Kulturformidling (KFO)

*Saksframlegget er godkjent elektronisk og har difor inga handskriven underskrift*

## Saksutgreiing

### Innleiing

Hovudutval for kultur, idrett og inkludering gav 4. juni 2020 i sak PS 95/20 *Organisering av arbeidet med Den kulturelle skulesekken* avdelingsdirektør kultur og folkehelse fullmakt til å fatte vedtak om DKS-programmet. På bakgrunn av dette vert DKS-programmet til vidaregåande skule for skuleåret 2023/24 lagt fram for avdelingsdirektør som fattar endeleg vedtak i saka. DKS-programmet til grunnskulen vært lagt fram i eiga sak.

### Prosedyrar for arbeidet med DKS

Vestland fylkeskommune set saman DKS-programmet med utgangspunkt i forslag som er melde inn via den nasjonale DKS-portalen. Nasjonale mål og føringar og Vestland fylkeskommune sine vedtekne kriterium for DKS ligg til grunn for utvalet av produksjonar i DKS-programmet.

Vedtekne prosedyrar for val av produksjonar til DKS-programmet i Vestland fylkeskommune definerer rammene for arbeidet med programmet. I tråd med prosedyrane er det berre produksjonar som er melde inn via den nasjonale DKS-portalen innan 1. oktober som vert vurderte for programmet. Faggrupper med eksterne og interne fagpersonar med kunstfagleg og skulefagleg kompetanse er med på å vurdere og tilrå produksjonar som kan inngå i programmet.

Medverknad frå målgruppa er viktig for å etablere eigarskap til ordninga og for å treffe målgruppa med innhaldet i DKS-programmet. Vestland fylkeskommune har derfor invitert Vestland ungdomsutval til å velje ut tre produksjonar til programmet, ein til ungdomssteget og to til vidaregåande skule.

Avdelingsdirektør set saman det samla DKS-programmet til grunnskulen og vidaregåande skule med utgangspunkt i mellom anna tilrådingar frå faggrupper, nasjonale føringar, vedtekne kriterium og Vestland ungdomsutval sine val.

### DKS-programmet til vidaregåande skule

Det vart meldt inn 1174 produksjonar til Vestland fylkeskommune sitt DKS-program for skuleåret 2023/24 via den nasjonale DKS-portalen. Totalt vart 599 av desse produksjonane tilrådde til det samla programmet til grunnskulen og vidaregåande skule.

Avdeling kultur og folkehelse samarbeider med avdeling opplæring og kompetanse om DKS-programmet i vidaregåande skule. Ei breitt samansett arbeidsgruppe med representantar frå begge avdelingar, skular og elevar er førelagt framlegg til program til vidaregåande skule og har gitt sin tilslutning til programmet.

Etter gjennomgang i faggruppene og administrativ handsaming er tilrådde produksjonar delt inn i to grupper:

Gruppe 1 – produksjonar som er innstilte til DKS-programmet til vidaregåande skule for skuleåret 2023/24.

Gruppe 2 – produksjonar som er tilrådde til programmet til grunnskulen og/eller vidaregåande skule men ikkje innstilte til programmet til vidaregåande skule. Produksjonane i gruppe 2 utgjer eit tilfang produksjonar til erstatning eller utviding av programmet ved behov.